



**Arnoldi Corvini â Belderen, Batavi, Jcti quondam  
Consummatissimi, Consilarii Electoralis & Professoris  
Moguntini Publici, &c. Tractatus Geminus De Personis  
Atque Beneficiis Ecclesiasticis Sive ...**

opus posthumum, diu desideratum, nunc demum excusum, & indice  
locupletissimo instructum

De personis ecclesiasticis

**Corvinus van Beldern, Arnold**

**Francofurti ad Moenum, 1708**

**VD18 10184902**

De Scrutinio in Ordine faciendo. Tit. 23

---

[urn:nbn:de:hbz:466:1-62002](https://nbn-resolving.org/urn:nbn:de:hbz:466:1-62002)

male promotis. quia nec Concilium Trident. nec dicta constitutio huiusmodi casui poenam annexerunt. *Garc. d. loco n. 5. Zypaeus d. loco n. 17. verus*

- 14 Patrimonium per parentes ea conditione donatum, ut filius in futurum dum beneficium aliquod aut bona alia ad eum congruam sustentationem sufficientia acquirat, habeat usumfructum, est sufficiens, & illius titulum ordinari potest. *Sacr. Congreg. negot. Episcop. & Regular. Eugubina 22. Maji 1590. Barbos. lib. 1. Jur. Eccles. un. cap. 33. n. 154.*

Potest etiam patrimonium constitui super annuis perpetuis censibus, cum cautione, quod si redimeretur census, pecunia ex decreto iudicis apud personas idoneas deponatur ad effectum reinvestiendi. *Congreg. Concil. sub die 2. Junii 1629. Barb. d. loc. num. 157.*

- 15 Patrimonium autem alienari non potest, nisi à proviso sufficienter per beneficium. *dict. Concil. Trident. alienatio secus facta, saltem non reservato usufructu, est nulla. Zypaeus d. loco num. 20. non tamen alienans, licet peccet & puniri possit, suspensionem aliquam incurrit. Barbos. in remiss. Dd. ad d. Concil. Trident. d. loc. per Navar. cons. 17. num. 2. cons. 21. num. 4. Flamin. de resignat. lib. 2. qu. 6. num. 16. Caldas de p. test. elig. cap. 10. num. 1. Stephan. Gratian. discept. forens. cap. 159. num. 18. Garc. d. c. 5. num. 166. cum seqq. aliosq.*

- 16 Similiter qui ad titulum pensionis est ordinatus, pensionem retinere vel extinguere sine licentia Episcopi non potest, nisi antea curis sine beneficio vel bona, unde vivere possit. *Conc. Trident. d. loc. vide Barb. d.*

## TITULUS XXIII.

### De Scrutinio in Ordine faciendo.

#### SUMMARIUM.

- |                                         |                                         |
|-----------------------------------------|-----------------------------------------|
| 1. Nullus sine Scrutinio ordinandus.    | 4. De hodierno.                         |
| 2. Scrutinium hic quid est unde dictum. | 5. Pœna Scrutinium subterfugientis quæ. |
| 3. De Scrutinii more veteri.            | 6. Qui à Scrutinio immunes.             |



**S**crutinium dicitur, quod est, ut nullus debeat ordinari Clericus, nisi qui probatus fuerit vel examine Episcoporum, vel populari testimonio; *text. in can. nullus. 2. dist. 24.* idem adveniente tempore ordinationi praefixo, per *scrutinium* examinari debent ordinandi. *d. can. nullus. & can. quando. 5. ead. dist.*

*Scrutinium*, nihil aliud est, quam examen ejus qui majorem aut minorem ordinem appetit, factum per eum, ad quem spectat. Dicitur à *scrutando*: Nam is, qui examinat ordinandos, scrutatur sive interrogat. *c. un. hoc tit.* Graeci canones ἐξετάζουσι sive ἐξέτασις, id est, questionem & criminis inquisitionem vocant, quam δοκιμασίαν, ἢ βίβλασις, vitae electionem vocat Synodus VI. in Trullo, *can. 22.*

Præcedere ordinationem debebat ex Concilii Niceni decreto, adeo ut sine eo ordinati essent deponendi. *can. si qui sine. 4. dist. 81.*

Statutus erat hic ordo, ut adversus ordinandos admitterentur contradictores seu accusatores, ut crimina & defectus prodirent in lucem; & ne accusatores admitterentur passim & de trivio, corum fiebat prius examinatio, ἀνάκρισις vocat *can. 19. Concilii Niceni*, & Balsamon ἐξέτασις intra tres menses; *Novel. 6. vide & can. 40. & 81. Synodi VI. in Trullo.* eaque examinatio durabat per tres menses, *can. 5. Synodi VII. Constantinop.* cui in monachis successit annus probationis: vita, mores, doctrina, genus expendebantur; *can. definimus. 4. qu. 1. can. omnibus. 2. qu. 4.* tam obnixè, & fortassis nimium pertinaciter, ut pluribus in regionibus non admitterentur, nisi ortum traxissent ex Sacerdotali ordine; exempto Judæorum, qui Sacerdotes tantum admittunt ex tribu Levitica; & in eo Armenios damnat Synodus VI. *can. 33.* quod etiana Balsamon Atheniensibus objicit & Metembriensibus. Doctrina quoque examen, sanctum fidei symbolum, & divina dogmata sciri desiderabat; *can. nulli. cum seq. dist. 38.* Eaque ordinandi, scripturâ suâ firmare debebant, eisque se inscribere: *can. 19. Synodi Carthagen. & 6. Synodi II. Constant. Epist. Basili. Archiepisc. ad Chorepiscop.*

Hodie *Scrutinium* est, (omissis aliis divisionibus, de quibus Hostiens. in *sum. hoc tit. §. quot modis.*) duplex; unum quod ante ordinationem, & quidem diligenter est faciendum; *c. nihil. 44. §. Episcopi. de elect.* alterum, quod fit in ipsa ordinatione.

Ggg 2 Ita-

Scrutinium  
Personis  
vel Ecclesiarum

IV  
32



Itaque ex Concilii Trident. *sess. 23. de Reformat. cap. 5.* decreta promovendi ad minores ordines, habere & exhibere debent testimonium à Parocho suo, aut Magistro Scholæ, in qua educantur & erudiuntur; *ut & supra dictum;* ad singulos verò majores assumendi, debent per mensem ante ordinationem adire Episcopum, isque ad deregendum si qua fortè subsint, impedimenta occulta & incognita, committere Parocho aut cui alteri, cui expedire magis videbitur, ut, nominibus ac desiderio eorum, qui promoveri volunt, publicè in Ecclesia proponat diligenter de eorum natalibus, ætate, moribus & vita, inquirat à fidelibus, testimonialesque literas, ipsam inquisitionem continentes, ad Episcopum quam primum transmittat. *Vallens. in par. hoc tit. num. 3.*

Deindè feria quarta ante ordinationem, vel quando videbitur Episcopo, unà cum Archipresbyteris, debent evocari ad civitatem ipseque Episcopus, adscitis sibi Sacerdotibus, aliisque Jurisprudencibus legis divinæ peritis atque in Ecclesiasticis sanctionibus versatis, ordinandorum, genus, personam, ætatem, mores, doctrinam & fidem, diligenter examinare & investigare: *d. can. quando. cum seqq. dist. 25. c. 4. c. pen. & ult. de. etat. & qual. ordin. practic. Concil. Trident. d. sess. 23. de reformat. cap. 7. & hoc vocatur primum Scrutinium. Vallens. d. loc. num. 4.*

Sequenti verò Sabbatho, qui probati & idonei reperti fuerint ordinandi Episcopo, præsentari debent per Archidiaconum, qui ad Episcopum, & ad quem de Jure communi spectat examen & præsentatio ordinandorum ad sacros ordines: *c. ad hęc. 7. c. ut nostrum. 9. de offi. Archidiacon. Pontificale. Diff. Sell. in select. Jur. Canon. cap. 19. num. 3.* ac proinde Examinatores, quos ex Concilii Tridentini *d. cap. 7. de reformat. sibi disciscere debet Episcopus, & quos singulis annis in Synodo Diocæsana pro examine ad parochiales Ecclesias eligi jubet idem Concilium; Sess. 24. de reformat. cap. 18.* cumulative sunt accipiendi cum Archidiacono, non autem eum illius exclusione. *Vallens. d. loc. num. 4.*

Cum ordinandum præsentat Archidiaconus Episcopo dicit; *Postulat Sancta Mater Ecclesia hos Diaconos, vel & c. fieri.* Hic rogatus, an eos dignos cognoverit: Respondet Ille, se nosse & testificari, in quantum humana fragilitas nosse sinit. *c. un. hoc tit. & hoc vocatur Secundum Scrutinium.*



Qui *scrutinium* subterfugiens, furtivè ordines surripuit, puta ordinandorum multitudini, ignorante Episcopo, se ingerendo, is & majorum ordinum suscipiendorum spe, & ordinis illius, quem suscepit, privatur executione; nec eum, si sit excommunicatus, alius quam Pontifex Romanus potest restituere; omninò si non excommunicatus. c. 1. & 2. de eo qui furt. ordin. susc. can. extra conscientiam. dist. 64. can. quando. dist. 25. can. si quis Presbyter. c. fin. dist. 24. can. ex penitentibus. dist. 50.

A *scrutinio* tamen illo seu *examine* excipit Synodus Tridentina præsentatos, electos, seu nominatos ab Universitatibus five Collegiis Generalium studiorum: d. sess. 7. de reformat. cap. 13. Quod tamen videtur revocare. sess. 24. de reformat. cap. 18. Sed loquitur de provisione ad Ecclesiam Parochialem. Gonzal. ad reg. Cancell. 8. gloss. 4. num. 90. Garc. de benef. part. 9. cap. 2. num. 103. Lambertin. de Jure patronat. part. 1. lib. 2. qu. 11. art. 3. num. 5. Flamin. de resignat. lib. 8. qu. 9. num. 83. non seq. alius quos alleg. Barbof. in remiss. ad d. c. 18.

TITULUS XXIV.

Quæ in conferendis Ordinibus sint servanda.

SUMMARIA.

- 1. Solemnitatum in ordinatione adhiberi solitarum recensio.
- 2. An aliqua earum omissione reiterari potest ordinatione.

**S**equitur nunc, ut videamus de his, quæ servanda sunt in Ordinibus conferendis. Sunt autem ea, secundum Ecclesiæ ritum, de quo in Pontificali specialia multa; nos referemus generalia.

Nempe 1. In collatione Ordinum, non minorum, *Fumus in Armilla* verb. Ordo. num. 9. Angel. eod. verb. 4. num. 5. sed majorum, ab ordinante est, (ut & supra admonuimus) celebranda Missa; non tamen

Ggg 3

scrutinium  
Personis  
Ecclesiæ

IV

32